

Il mas-chalch da Sent



Publicaziuns officialas. Cumpara seguond bsögn.

2003/2005

no. 43

7554 Sent, 7 december 2005 / rz

Radunanza cumünala

La radunanza es gnüda fixada sün **lündeschdi, 12 december 2005** a las 20.15 in chasa cumünala.

Tractandas:

1. Protocol da la radunanza cumünala dals 16 november 2005, acta 13
2. Cuntinuaziun cullas tschernas pel trienni 2006/2008 (Cussagl da scoula)
3. Revisiun parciala da la planisaziun cumünala
- Müdamaint dal plan general da la preparaziun dal terrain “Flüs”
4. Vendita da bains e terrains ad esters
5. Fixar il pè d’imposta pel 2006
6. Preventiv cumünal pel 2006
7. Preventiv d’investiziuns pel 2006
8. Varia

Remarcha:

Tractanda 2:

Seraina Felix-Gallmann e **Susanne Ruben-Rohner** sun prontas da’s candidar pel Cussagl da scoula. 2 personas d’eiran fingià gnüdas elettas aint il 1. scrutin.

Tractanda 6 e 7: Il Cussagl cumünal giavüscha cha tuot ils interessents passan a partir da marcurdi ils 7 december 2005 pro l’administraziun cumünala per la documainta per la tractanda 6 e 7 per na perder massa bler temp pro la preschantaziun dals preventivs d’urant la radunanza.

Il Cussagl cumünal

Radunanza da vaschins

In lündeschdi, **12 december 2005** davo la radunanza cumünala politica ha lö la radunanza da vaschins.

Tractandas:

1. Orientaziuns
2. Tschernas pel trienni 2006/2008
3. Varia

Il Cussagl da vaschins

Nouva ledscha davart la planisaziun dal territori

La nouva ledscha chantunala davart la planisaziun dal territori es entrada in vigur al 1. november 2005. Quista ledscha influenzescha eir las basas legalas da la planisaziun cumünala. Alchünas spartas da las basas legalas cumünalas sun gnüdas rimplazzadas tras ordinaziuns da la nouva ledscha chantunala. Ils adattamaints pertoccan tanter oter eir la sparta da la prodecura per permiss da fabrica. Q. v. d. cha las publicaziuns da fabrica ston gnir publicadas in ün fögl uffizial local. Uschè cha’l Cussagl cumünal ha decis da publicar dad uossa davent las dumondas da fabrica aint il Mas-chalch. Infuormaziuns plü detagliadas sur da quista nouva ledscha e davart las müdadas chi pertoccan in avegnir als patruns da fabrica seguan aint il prossem mas-chalch.

Publicaziun da fabrica

Reguarda:	Renovaziun da la chasa + 2 locals nouvs suot il tet La Motta 111, parcella 199
Patrun da fabrica:	Margrit Keller e Rico Gartmann Hohliebstrasse 14 3095 Spiegel p. Bern
Ediziun:	Ils plans sun exposts in büro cumünal.
Profilà:	14-11-2005
Recuors:	Protestas da dret public sun d'inoltrar infra 20 dis in scrit, a partir da la data da publicaziun, al Cussagl cumünal.
Publicaziun:	07-12-2005
Termin da protesta:	28-12-2005

Publicaziun da fabrica

Reguarda:	Via d'access tras la parcella no 579 Saranschasch
Patrun da fabrica:	Otto + Monika Scandella Saranschasch 7554 Sent
Ediziun:	Ils plans sun exposts in büro cumünal.
Profilà:	---
Recuors:	Protestas da dret public sun d'inoltrar infra 20 dis in scrit, a partir da la data da publicaziun, al Cussagl cumünal.
Publicaziun:	07-12-2005
Termin da protesta:	28-12-2005

nom da la cumischiun da fabrica

In

Causa **collisiun da termins** ha lö il cuors per uffants da las cartas da Nadal als **14 december 2005** da las 14.00 – 17.00 e na sco publichà als 7 december 2005.

Team Butia Schlerin

Banc da Plaz

Illa radunanza cumünala dals 18 october 2005 d'eira gnü giavüschà da metter il banc da Plaz darcheu in seis lö e da sclerir giò la chosa in detagl. Per chi's possa eruir quant lönch cha'l banc da Plaz es fingià in seis lö, As laina comunicar il seguaint: Chi chi ha fotografias o documainta, **dals ons 30 o plü inavò**, chi muossa cha'l banc d'eira fingià da quel temp là, dess far il bain da's metter in colliaziun cul büro cumünal.

Grazeha fisch

Decleranza da renunzcha SVR

Persunas dependentas ed independentas chi retiran dal Cumün da Sent üna paja da fin fr. 2'000.-- l'on nu sun, tenor art. 5/5 da la ledscha da la SVR e tenor art. 8bis da la DSVR, obliadas da far giò quint cun la chascha da cumpensaziun per la Sgüranza da vegls e relaschats.

Chi chi vuol far adöver da quista renunzcha, po retrar tala i'l büro cumünal pro sar Men Werro fin il plü tard avant chi vain dat giò il rapport da las uras. Spiegaziuns plü detagliadas as survain eir per telefon: 081/861 20 60.

Per quel/quella chi nun inoltrescha la decleranza fin il plü tard ils **16 december 2005**, vain tratta giò la part per la Sgüranza da vegls e relaschats.

Chascha cumünala

“GA-per cumüns” – sporta da bigliets favuraivels pel 2006

Per promover il trafic public, dà il Cumün a nossa populaziun eir dal 2006 la pussibilità da cumprar bigliets favuraivels, culs quals i's po viagiar in tuot la Svizra cul tren, posta, barcha, tram e bus ün di a la lunga. Il bigliet es datà e vaglia be per quel di. **Per mincha di es avantman be ün bigliet.**

Interessents pon a partir da subit, ed uschigliö plü bod pussibel, **reservar** il bigliet pro'l büro cumünal, **tel. 081 / 861 20 60**. Predsch dal bigliet: **fr. 28.--**

Chascha cumünala

Avis

A partir dals 1. schner 2006 voula per traffichar sün *vias champestras* e per parcar per lavurar in stabilimaints (*mansteranza*), la vignetta nouva per l'on 2006.

Las vignettas da l'on e quellas da 14 dis ston gnir retrattas in büro cumünal. Quellas da di pon gnir retrattas eir amo in seguaints lös publics: **Sent Turissem, Restorant Chasa Veglia, Restorant Fontana, Hotel Rezia, Hof Zuort, Piazza da campadi Sur En, Hotel Val d'Uina Sur En, Restorant da muntogna Vastur.**

Chancellaria cumünala

Chant avert d'Advent

Chi chi vess dalet da chantar chanzuns d'Advent intuorn cumün es bainvis als 14 december 2005 a las 20:00 in sala cumünala per üna prouva. Als 18 december 2005 chantaina intuorn cumün. Reuniun in Plaz a las 20.00.

No sperain sün üna gronda partecipaziun e giavüschain a tuots ün bel temp d'Advent.

Gianna Bettina Gritti e Leta Mosca

Di da las portas avertas

Di da las portas avertas da la fisioterapia da sar Valentin Guler, in Palüzot.

Venderdi als 9 december da las 18.00 fin las 22.00 e

sonda als 10 december da las 10.00 fin las 16.00.

Amiaivelmaing invida

Valentin Guler

Da dar a fit per tuot on

Abitaziun da 2 1/2 etages in lö cullelix cum plazzo da parcar e postis da subit

